

ანგარიში

11.06.2024 წ.

ხარაგაულის მუნიციპალიტეტის მერიის ჯანმრთელობისა და სოციალური დაცვის სამსახურის მიერ გაწეული მუშაობის შესახებ

ხარაგაულის მუნიციპალიტეტის მერიის ჯანმრთელობისა და სოციალური დაცვის სამსახური არსებული რესურსის ფარგლებში აქტიურ პოლიტიკას ატარებს მოსახლეობის ჯანმრთელობის დაცვისა და სოციალური უზრუნველყოფის კუთხით. სამსახური საქმიანობას წარმართავს შემდეგი საკანონმდებლო და ნორმატიული აქტების საფუძველზე: საქართველოს კონსტიტუცია, საქართველოს ორგანული კანონი „ადგილობრივი თვითმმართველობის კოდექსი“, საქართველოს კანონი „სოციალური მუშაობის შესახებ“, საქართველოს კანონი „ბავშვის უფლებათა კოდექსი“, „ხარაგაულის მუნიციპალიტეტის მერიის დებულება“, „ხარაგაულის მუნიციპალიტეტის მერიის ჯანდაცვისა და სოციალური დაცვის სამსახურის დებულება“, მუნიციპალიტეტის საკრებულოს დადგენილება „თვითმმართველი ერთეულის ბიუჯეტიდან სოციალური დახმარების გაცემისა და მიღების წესი“ და სხვა.

საანგარიშო პერიოდში მოქალაქეთა დახმარების მიზნით მნიშვნელოვანი მუშაობა იქნა გაწეული მოსახლეობის ჯანმრთელობისა და სოციალური მდგომარეობის გაუმჯობესების მიზნით. ჯანდაცვისა და სოციალური დაცვის სფეროს დაფინანსება ყოველწლიურად მზარდია. მიმდინარე წელს გასულ წელთან შედარებით ჯანდაცვისა და სოციალური უზრუნველყოფის პროგრამებისთვის 64,5 ათასი ლარით მეტი დაიგეგმა (2023 წ. გეგმა _1906,2 ათ. ლარი, მიმდინარე წლის გეგმა განისაზღვრა 1971,1 ათ. ლარით). მუნიციპალიტეტის ბიუჯეტში ჯანდაცვა და სოციალური უზრუნველყოფა წარმოდგენილია 23 ქვეპროგრამით. მათ შორის ორი ქვეპროგრამა მოიცავს ჯანმრთელობის დაცვას, ხოლო სოციალური მიმართულებით მუშაობს 21 ქვეპროგრამა. მერიის მიერ განხორციელებული პროგრამებია:

06 03 01 სამკურნალო და საოპერაციო ხარჯებით დახმარება, რომელიც მოიცავს კვლევების, ოპერაციების, სამედიცინო მომსახურების და რამდენიმე ქრონიკული დაავადების მედიკამენტის დაფინანსებას. ქვეპროგრამაზე მიმდინარე წელს დაგეგმილია 490,0 ათასი ლარი. გასული წლის ხარჯმა შეადგინა 478,79 ათასი ლარი. ქვეპროგრამით საანგარიშო პერიოდში ისარგებლა 1118 მოქალაქემ.

06 03 03 შშმ პირთა დახმარება, რომელიც მოიცავს 0-18 წლამდე ასაკის შშმ პირთა სამკურნალო-სარეაბილიტაციო კურსის და მედიკამენტების დაფინანსებას, კოხლეარული იმპლანტით მოსარგებლე ბავშვების ელემენტით უზრუნველყოფას და ასევე, შშმ პირის, რომელიც საჭიროებს მომვლელს, ყოველთვიურ დახმარებას. კოხლეარული იმპლანტის ელემენტით ყოველწლიურად სარგებლობს 3 არასრულწლოვანი, მომვლელის დახმარებით გასულ წელს სარგებლობდა 56, ხოლო მიმდინარე წელს მოსარგებლეა 61 შშმ პირი. ყოველთვიური დახმარება 2024 წელს გაიზარდა 70 ლარამდე. ასევე, მიმდინარე წელს გაიზარდა შშმ ბავშვთა სამკურნალო-სარეაბილიტაციო კურსის თანადაფინანსება 1400 ლარამდე. ქვეპროგრამაზე გასულ წელთან შედარებით დაიგეგმა 5,0 ათასი ლარით მეტი.

06 03 04 ერთჯერადი ფინანსური დახმარება - ქვეპროგრამის განსახორციელებლად მიმდინარე წელს დაგეგმილია 380,0 ათასი ლარი, 153,7 ათასი ლარით მეტი, ვიდრე გასულ წელს. ქვეპროგრამით საანგარიშო პერიოდში ისარგებლა 1581 მოქალაქემ და დაიხარჯა 345,4 ათასი ლარი.

06 03 05 ლეიკემიით დაავადებულთა და დიალიზზე მყოფი პირების დახმარება – დიალიზის სახელმწიფო პროგრამის მოსარგებლე ბენეფიციარს ყოველთვიურად ერიცხება 200 ლარი. დიალიზის პროგრამაში დღეის მდგომარეობით ჩართულია 16 მოქალაქე. ლეიკემიით დაავადებულთა დახმარება წლიურად განსაზღვრულია 600 ლარით და მოსარგებლეა 3 ბენეფიციარი.

06 03 06 მრავალშვილიანი ოჯახების დახმარებით სარგებლობს ოჯახი, რომელსაც ყავს 4 და მეტი შვილი. დახმარება თითოეულ ბავშვზე განისაზღვრება 100 ლარით. საანგარიშო პერიოდში ისარგებლა 51 ოჯახმა.

06 03 07 მარტოხელა მშობლების დახმარების ქვეპროგრამით გასულ წელს დახმარება განსაზღვრული იყო ყოველთვიურად 50 ლარი. მიმდინარე წლიდან თანხა გაიზარდა 70 ლარამდე. ქვეპროგრამით გასულ წელს სარგებლობდა 17 მარტოხელა მშობელი, მიმდინარე წელს სარგებლობს – 21 ბენეფიციარი.

06 03 08 მარჩენალდაკარგულ და რეინტეგრირებულ პირთა დახმარება. დახმარების მიმღებია დედით ან მამით ობოლი ან ბიოლოგიურ ოჯახში რეინტეგრირებული 21 წლამდე ასაკის პირი. ქვეპროგრამით წინა წლებში დახმარება გაიწეოდა ერთჯერადად. ამჟამად დახმარება გაიწევა ყოველთვიურად, ბენეფიციარზე 50 ლარის ოდენობით. გასული წლის დასაწყისში ქვეპროგრამით სარგებლობდა 36 ბენეფიციარი, მიმდინარე წელს მოსარგებლეა 49. საანგარიშო პერიოდში ისარგებლა 96 ბენეფიციარმა.

06 03 09 ყოველთვიური დახმარების პროგრამის ბენეფიციარები არიან უსინათლოები და დევნილები. მიმდინარე წელს აპრილის თვიდან დახმარება განსაზღვრულია 70 ლარით. საშუალოდ მოსარგებლეა 90 მოქალაქე.

06 03 10 საქართველოს ტერიტორიული მთლიანობისათვის ომში დაღუპულთა ოჯახების დახმარება. დახმარების მიმღებია საქართველოს ტერიტორიული მთლიანობისათვის ომში დაღუპულის ოჯახის წევრი, რომელსაც პირველი რიგის მემკვიდრე არ ყავს და რომელზეც არ ვრცელდება „ომისა და სამხედრო ძალების შესახებ“ კანონის მე-16 მუხლის კრიტერიუმები. დახმარება განისაზღვრება 2000 ლარით და სარგებლობს 4 ბენეფიციარი.

06 03 11 ხანდაზმულთა დახმარება. დახმარების მიმღებია 100 წლის და მეტი ასაკის მოქალაქე. დახმარება განისაზღვრება 1000 ლარით. ამ დროისთვის გვყავს 1 ბენეფიციარი.

06 03 12 სადღესასწაულო დღეების დახმარება. დახმარება მოიცავს სადღესასწაულო დღეებში მოწყვლადი ჯგუფების დახმარებას. დახმარება გაიწევა ქვეპროგრამით დადგენილ სხვადასხვა კატეგორიის ბენეფიციარებსა და დღესასწაულის დღეებში სხვა მოწყვლად ჯგუფზე. ქვეპროგრამით სისტემატურად მოსარგებლეა 19 ბენეფიციარი, სხვადასხვა სადღესასწაულო დღეებში დამატებით დახმარება გაცემულია 1368 ოჯახზე.

06 03 13 სოციალურად დაუცველი ან უპატრონო გარდაცვლილის ოჯახის დახმარება; დახმარების მიმღებია 65000 სარეიტინგო ქულამდე გარდაცვლილის ოჯახი. დახმარება განისაზღვრება 250 ლარით. ქვეპროგრამით საანგარიშო პერიოდში ისარგებლა 46 ოჯახმა.

06 03 15 ახალშობილთა ოჯახების დახმარება. პირველი ბავშვის შეძენისას ოჯახისათვის გაწეული დახმარება შეადგენს 100 ლარს, მეორე ბავშვის შეძენის შემთხვევაში_150 ლარს, მესამე_200 ლარს, მეოთხე_250 ლარს, მეხუთე_300 ლარს და ყოველი მომდევნო ბავშვის შეძენისას თანხა იზრდება 50 ლარით. ტყუპების შეძენის შემთხვევაში თანხა განისაზღვრება 500 ლარით. სამი და მეტი ტყუპის

შემენის შემთხვევაში დახმარება განისაზღვრება 1500 ლარით. საანგარიშო პერიოდში დაკმაყოფილებულია 93 განცხადება.

06 03 16 ომის ვეტერანთა და იძულებით გადაადგილებულ პირთა დაკრძალვა. დაკრძალვის ხარჯი შეადგენას 250 ლარს და ამ მიმართულებით საანგარიშო პერიოდში დახარჯულია 1,25 ათ. ლარი. ისარგებლა 5 ოჯახმა.

06 03 17 სტიქიური მოვლენების, ხანძრის შედეგად დაზარალებულთა და მძიმე საცხოვრებელი პირობების მქონე მოქალაქეთა მატერიალური დახმარება მოიცავს სტიქიური მოვლენების შედეგად დაზარალებულ და მძიმე საცხოვრებელი პირობების მქონე მოქალაქეთა დახმარებას, უსახლკარო პირთა და ძალადობის მსხვერპლთა მინიმალური საცხოვრებელი (ბინის ქირით) უზრუნველყოფას. გასულ წელს ბინის ქირით უზრუნველყოფდით 6 მოქალაქეს, ამ ეტაპზე მოსარგებლეა 16 პირი. აღსანიშნავია, რომ მოსარგებლეთა რაოდენობა გაზრდილია სსიპ გარემოს ეროვნული სააგენტოს სპეციალისტების დასკვნების საფუძველზე იმ პირთა მიმართ, რომლებიც ცხოვრობენ მომეტებული საფრთხის ქვეშ და საჭიროებენ განსახლებას. სტიქიის შედეგად დაზარალებული და მძიმე საცხოვრებელი პირობების მქონე სხვადასხვა კატეგორიის 92 ოჯახს გაეწია დახმარება 87,4 ათასი ლარით. მათ შორის, პირველი კატეგორია - 8 ოჯახი, მეორე კატეგორია - 79 ოჯახი, მესამე კატეგორია - 5 ოჯახი. საქართველოს მთავრობის განკარგულებით გამოყოფილი თანხით მიმდინარე წლის თებერვლის თვეში მომხდარი სტიქიის შედეგად დაზარალებული 135 მოქალაქისთვის შეძენილი იქნა სახურავის თუნუქი და შესაბამისი ხე-მასალა.

06 03 18 უფასო სასაბუღალტრო დაფინანსება გასულ წელთან შედარებით 35.0 ათასი ლარით მეტი, ანუ 250.0 ათ. ლარი დაიგეგმა. საბუღალტრო სახლი ემსახურება 160 ბენეფიციარს. ასევე, მიმართულების საფუძველზე საკვები პროდუქტით დახმარება გაიწევა სხვა ადმინისტრაციულ ერთეულში მცხოვრებ უკიდურესად გაჭირვებულ ოჯახებზე.

06 03 19 სოციალური უზრუნველყოფის ობიექტების რეაბილიტაცია და საგრანტო პროექტების ხელშეწყობა. ქვეპროგრამა მოიცავს საგრანტო პროექტების თანადაფინანსებას. როგორც მოგეხსენებათ, ბავშვთა ადრეული განვითარების მომსახურების დანერგვის მიზნით 2020 წელს ევროკავშირის დაფინანსებით დაიწყო საგრანტო პროექტი, რომლის ფარგლებში დაინერგა საჭიროების ან რისკის მქონე 0-დან 7 წლამდე ასაკის ბავშვებისთვის ბუნებრივ გარემოში ადრეული განვითარების სპეციალისტის მომსახურება. მშობლების მომართვის შემდეგ გამოიკვეთა მეტყველების თერაპევტის საჭიროება, რომელსაც მუნიციპალიტეტის სრულად აფინანსებს, რის შედეგადაც მშობლებს არ უწევთ ამ მომსახურების მისაღებად სხვა მუნიციპალიტეტში გადაადგილება, რაც დამატებით ხარჯებთან იქნებოდა დაკავშირებული. საგრანტო პროექტის დასრულების შემდგომ სერვისის მდგრადობის შენარჩუნების მიზნით გრძელდება თანამშრომლობა მომწოდებელ ორგანიზაციასთან. პროგრამით მეტყველების თერაპევტის მომსახურებით სარგებლობს საშუალოდ 17 ბავშვი, ხოლო ადრეული ინტერვენციის ქვეპროგრამის მიმღები გასულ წელს იყო 8 ბავშვი, მიმდინარე წელს არის 3 ბავშვი.

მეორე წელია, ვთანამშრომლობთ საქართველოს წითელ ჯვართან, რომელმაც გასულ წელს განახორციელა არაერთი აქტივობა, რაც წელსაც გრძელდება. საანგარიშო პერიოდში ბავშვთა განყოფილების ჩართულობით სხვადასხვა სახის სასაჩუქრე პაკეტები ოთხ ეტაპად გადაეცა მოწყვლად მდგომარეობაში მყოფ პირებს.

გასულ წლებში ევროკავშირის მხარდაჭერით, მუნიციპალიტეტის მერიის და ასოციაცია ანიკას ურთიერთთანამშრომლობით ა(ა)იპ ნაბიჯი ხარაგაულის მიერ მუნიციპალიტეტის მასშტაბით განხორციელდა ახალი პროექტი, რომელიც მოიცავდა შინმშენობის ინტეგრირებულ პროექტს, პროექტის ფარგლებში მომსახურებას იღებდა 50 ბენეფიციარი.

შინმშენობის მომსახურების მიმწოდებლად მიმდინარე წელს დარეგისტრირდა ააიპ სათნოების სახლი, რომელსაც ყავს ზემოთხსენებული პროექტის განხორციელების შედეგად გადამზადებული სერთიფიცირებული პერსონალი და უახლოეს მომავალში მოემსახურება ბენეფიციარებს.

06 03 20 გადაუდებელი რეაგირების ქვეპროგრამა. ქვეპროგრამა მოიცავს ისეთ მდგომარეობას, როდესაც მოკლებული ვართ შესაძლებლობას, მოქალაქემ ისარგებლოს სხვა მუნიციპალური პროგრამით. საანგარიშო პერიოდში განხილული იქნა 15 განცხადება და გაიწია შესაბამისი დახმარება.

06 03 21 ომისა და სამხედრო ძალების დახმარების ქვეპროგრამის მოსარგებლეა ომისა და სამხედრო ძალების ვეტერანი. ქვეპროგრამაზე როგორც გასულ, ასევე მიმდინარე წელსაც გამოყოფილია 20.0 ათასი ლარი. ქვეპროგრამით საანგარიშო პერიოდში ისარგებლა 62 ვეტერანმა.

06 03 22 გასული წლიდან ამოქმედდა არასრულწლოვანთა დახმარების ქვეპროგრამა, ქვეპროგრამა წარმოადგენს ბავშვის ოჯახურ გარემოში აღზრდის ხელშეწყობას, მიტოვების პრევენციას, კრიზისში მყოფი ბავშვიანი ოჯახების გაძლიერებას. ქვეპროგრამით მიმდინარე წელს 28 არასრულწლოვანის დახმარების მიზნით გაცემულია 42,6 ათ. ლარი.

- სამსახურში ფუნქციონირებს ბავშვთა უფლებების დაცვისა და მხარდაჭერის განყოფილება, რომელიც მუშაობს ბავშვთა უფლებების დაცვისა და არასრულწლოვანთა მხარდაჭერის კუთხით. განყოფილებაში დასაქმებულია ოთხი კადრი - კოორდინატორი, სოც მუშაკი, ჯანდაცვის სპეციალისტი და ფსიქოლოგი. განყოფილების მულტიპროფილური გუნდის მსჯელობის შედეგად კონკრეტული მდგომარეობის მიხედვით დგინდება გასაწევი დახმარების ფორმა და მოცულობა. განყოფილება კონსულტაციას უწევს ინდივიდებს, არასრულწლოვანთა ოჯახებს და საზოგადოების სხვა წევრებს ფსიქიკური ჯანმრთელობის, სიღარიბის, უმუშევრობის ნარკოტიკული ნივთიერების მავნებლობის, ძალადობის, რეაბილიტაციის, ბავშვის მოვლისა და სამედიცინო დახმარების საკითხებში.

საანგარიშო პერიოდში ბავშვთა განყოფილებაში განხილულია 29 შემთხვევა (82 ქეისი - 44 გოგო, 38 ბიჭი). 29 შემთხვევიდან დახურულია - 3, რეფერირებულია - 3 (მათ შორის 2 - სახელმწიფო ზრუნვისა და ტრეფიკინგის სააგენტოში, ხოლო 1 - შსს-ში, მანდატურის სამსახურში და არასრულწლოვანთა რეფერირების ცენტრში). გადმომისამართებულია - 2, (მათ შორის 1 - დმანისის მუნიციპალიტეტიდან, ხოლო 1 - სახელმწიფო ზრუნვისა და ტრეფიკინგის სააგენტოდან). სოც მუშაკის მიერ განხორციელებულია ყველა ოჯახში ვიზიტი, შეფასებულია ოჯახები და შევსებულია არასრულწლოვნების სკრინინგის ფორმები. ჯამში მოკვლეულია 82 ბავშვი. სოც მუშაკის მიერ თითოეულ საქმეზე შექმნილია ინდივიდუალური ქეისი.

ვთანამშრომლობთ არასამთავრობო ორგანიზაციასთან „ხიდი სოციალური ინკლუზიისთვის“, სადაც საჭიროების მიხედვით ადოსის(სადიაგნოსტიკო) კვლევის ჩასატარებლად ხდება არასრულწლოვანთა რეფერალი. კვლევა ფინანსდება შშმ პირთა დახმარების ქვეპროგრამიდან.

მუნიციპალიტეტის გენდერული საბჭოს ინიციატივით, ბავშვთა განყოფილების საქმიანობიდან გამომდინარე გამოკვეთილი საჭიროების მიხედვით, საგრანტო პროექტის „გენდერული და ძალადობის მსხვერპლი ქალებისა და გოგონების თანადგომა“ ფარგლებში თანამშრომლობთ

ფსიქოსოციალური და სამედიცინო რეაბილიტაციის ცენტრთა (GCRT), პროექტის ფარგლებში საინფორმაციო შეხვედრები ჩატარდა მარელისის, ლელვანის და ბორის საჯარო სკოლებში. პროექტის ფსიქოლოგის მიერ მოხდა ძალადობაგამოვლილი გოგონების იდენტიფიცირება. მოწყვლად ჯგუფებთან მიმდინარეობს ფსიქოსარეაბილიტაციო კურსი, როგორც ინდივიდუალური, ასევე ჯგუფური.

ბავშვთა მხარდაჭერის განყოფილება 2023 წლის მაისიდან არის საერთაშორისო ორგანიზაცია „world vision - საქართველოს“ პროექტის - „ბავშვის უფლებათა კოდექსის განხორციელების ხელშეწყობა საქართველოში“ სამიზნე მუნიციპალიტეტი, რომლის ფარგლებშიც, განყოფილების თანამშრომლებმა სპეციალობის მიხედვით გაიარეს სასწავლო ტრენინგები, ასევე პროექტის ფარგლებში ბავშვთა მხარდაჭერის განყოფილებაში ერთი წლის განმავლობაში მუშაობდა აღნიშნული ორგანიზაციის პროფესიული ზედამხედველი (სუპერვიზია), რომელიც განყოფილების სოც მუშაკს ეხმარებოდა ელექტრონული დოკუმენტაციის წარმოებაში ოჯახების შეფასებისა და ადმინისტრაციული საქმის წარმოების ნაწილში. პროექტის ფარგლებში ორგანიზაციის წარმომადგენელმა ბავშვთა განყოფილების კოორდინატორთან ერთად, ჩატარა შეხვედრა ხარაგაულის მუნიციპალიტეტში რეგისტრირებულ საჯარო სკოლების დირექტორებთან - ბავშვთა დაცვისა და ქეისების რეფერირების კომპონენტში სკოლის პასუხისმგებლობაზე. ასევე პროექტის ფარგლებში ანალოგიური შეხვედრა ჩატარდა მერის წარმომადგენლებთან ადმინისტრაციულ ერთეულებში.

2023 წლის მაისიდან ხარაგაულის მუნიციპალიტეტი შეირჩა საქართველოს მასშტაბით 10 საპილოტე მუნიციპალიტეტს შორის, რომლის ფარგლებშიც ბავშვთა განყოფილების მულტიპროფილური გუნდი მონაწილეობს პროექტში - „მუნიციპალურ ჯგუფებში მუშაობა სხვადასხვა უწყებების ჩართულობით“. პროექტი ხორციელდება გაეროს ბავშვის უფლებათა კომიტეტის ვიცეპრეზიდენტის, ქალბატონ სოფო კილაძის ინიციატივით და გულისხმობს ონლაინ რეჟიმში შეხვედრების ჩატარებას თვეში ერთხელ, სადაც რამდენიმე უწყების წარმომადგენლებთან ერთად კონფიდენციალურობის დაცვით განვიხილავთ კონკრეტულ შემთხვევებს ბენეფიციარებისთვის დროული და უწყვეტი სერვისების მიწოდების მიზნით. აღნიშნული პროექტიდან გამომდინარე, დაიგეგმა ბავშვთა განყოფილებისა და უწყებათაშორისი კოორდინაციის კარგი პრაქტიკა, რაც ხელს გვიწყობს ყოველგვარი ბიუროკრატიული პროცედურების გარეშე გამართულად ვიმუშაოთ საერთო ქეისების შემთხვევაში. აღნიშნული მუნიციპალური ჯგუფის მუშაობის პროცესში გამოკვეთილი საჭიროებების მიხედვით, 2024 წლის აპრილის თვეში მერის ბავშვთა უფლებების დაცვის და მხარდაჭერის განყოფილება მისი აქტიური საქმიანობიდან და ათეულობით წარმატებული ქეისიდან გამომდინარე მოხვდა საქართველოს მასშტაბით ორ საპილოტე მუნიციპალიტეტს შორის(ხარაგაული, ბოლნისი), სადაც სახელმწიფო უწყებების ინიციატივით და გერმანიის საელჩოს დაფინანსებით განხორციელდება ინოვაციური პროექტი - „პოზიტიური მშობლობა“. ამ ეტაპზე პროექტის განსახორციელებლად უკვე გადაგზავნილია 10 ბენეფიციარის მონაცემი.

განყოფილების მუშაობის შედეგად, მერის წარმომადგენლების მხარდაჭერით, მოვახდინეთ ისეთი ოჯახების აღრიცხვა და შევქმენით ბაზა, სადაც ცხოვრობენ არასრულწლოვნები და საჭიროებენ ადგილობრივი თვითმმართველობის მხარდაჭერას. ეტაპობრივად ვახორციელებთ ვიზიტებს ასეთ ოჯახებში და მათი ეკონომიკური გაძლიერების მიზნით ვრთავთ როგორც არასრულწლოვანთა მხარდაჭერის ქვეპროგრამაში, ასევე სხვა შესაბამის მუნიციპალურ პროგრამაში.

განყოფილების მიერ მოხდა არასრულწლოვან შშმ პირთა ბაზის შექმნა (სტატუსიანი, უსტატუსო) რაც ხელს გვიწყობს, აღნიშნული მოწყვლადი ჯგუფი ჩავსვათ სხვადასხვა, როგორც მუნიციპალურ,

ასევე სახელმწიფო პროგრამებში, რათა დაცული იქნას მათი უფლებები და ქონდეთ სერვისებზე თანაბარი ხელმისაწვდომობა.

განყოფილების საქმიანობის შესახებ ცნობიერების ამაღლების მიზნით, ტარდება შეხვედრები საგანმანათლებლო დაწესებულებებში. შეხვედრა ჩავატარეთ დაბის #3 და #2 საჯარო სკოლების მოსწავლეებთან, ასევე სოფელ ხევის, ბორის, მარელისის, ლელვანის საჯარო სკოლებში, (თემა ბულინგი, ძალადობის სახეები, აზარტული თამაშები) რომელშიც მონაწილეობდა განყოფილების ყველა თანამშრომელი.

განყოფილების მულტიპროფილური გუნდის ინიციატივით პერიოდულად ხორციელდება საქველმოქმედო აქტივობები, რომლის ფარგლებშიც საჭიროების მიხედვით ბენეფიციარებს მიეწოდებათ სეზონურ ტანსაცმელი და ფეხსაცმელი, სხვა საჭირო ნივთები, საკანცელარიო მასალა და განმავითარებელი რესურსი.

2023 წლის აგვისტოს თვეში, ხარაგაულის საკრებულოს თავმჯდომარის და საკრებულოს წევრების ერთობლივი ინიციატივით, ჩავატარეთ საინფორმაციო ხასიათის შეხვედრები, საზაფხულო კარვების ბანაკის სამი ნაკადის არასრულწლოვნებთან ბავშვთა უფლებების თემაზე ცნობიერების ამაღლების მიზნით.

პერიოდულად ხდება მონიტორინგი სამიზნე ოჯახებთან, რათა მომავალში სწორად განისაზღვროს ისეთი მომსახურებები, რომელსაც ბენეფიციარები საჭიროებენ.

- მუნიციპალიტეტის ბიუჯეტის სარეზერვო ფონდიდან მერიის სოციალურ პროგრამებზე 2023 წელს გამოყოფილი იქნა 27868 ლარი. მიმდინარე წელს დღემდე გამოყოფილი იქნა 17700 ლარი. ისარგებლა 19 ბენეფიციარმა.
- ა(ა)იპ ხარაგაულის საზოგადოებრივი ჯანმრთელობის დაცვის ცენტრის მიერ ხორციელდება სხვადასხვა პროგრამები, რაც ხელს უწყობს მოსახლეობის ცხოვრების ჯანსაღი წესის უზრუნველყოფას, გადამდები და არაგადამდები დაავადებების გავრცელების თავიდან აცილებას. წარმატებით ხორციელდება გეგმიური ვაქცინაციის პროცესი და ეპიდზედამხედველობის პროგრამის ფარგლებში მონიტორინგი მუნიციპალიტეტში არსებულ ყველა სამედიცინო დაწესებულებაში. სჯც ანხორციელებს C ჰეპატიტისა და შიდსზე სწრაფ ტესტირებას და C ჰეპატიტზე სკრინინგ დადებითი პირების შემდგომი კვლევის, მკურნალობაში ჩართვისა და მიდევნების პროგრამას. დაავადებათა ადრეული გამოვლენისა და სკრინინგის სახელმწიფო პროგრამების ფარგლებში, სკრინინგის მსურველი ბენეფიციარების ტრანსპორტირებას უზრუნველყოფს სამსახური. ინტერნეტ გვერდის მეშვეობით საზოგადოებას მუდმივად მიეწოდება ინფორმაცია სხვადასხვა დაავადების, აქტუალური სამედიცინო თემებისა და ზოგადად პრევენციული ღონისძიებების შესახებ.
- მოქალაქეებს სამსახურის მიერ ყოველდღიურ რეჟიმში გაეწევათ კონსულტაცია სახელმწიფო პროგრამებით გათვალისწინებულ მომსახურებაზე.
- სამსახური თანამშრომლობს ვეტერანების საქმეთა სახელმწიფო სამსახურთან, გაიწევა კონსულტაციები ვეტერანებისთვის აქტუალურ საკითხებზე, ასევე, ხდება მათი დახმარება მუნიციპალური პროგრამის ფარგლებში.
- სამსახურის მიერ ასევე ხორციელდება ეკომიგრანტი ოჯახების ადგილობრივ დონეზე მომსახურება.
- მოქალაქეთა მომართვის საფუძველზე სსიპ გარემოს ეროვნულ სააგენტოში იგზავნება მუნიციპალიტეტის მერის შუამდგომლობა საკარმიდამო ნაკვეთის და სცხოვრებლის გეოლოგიური კუთხით შეფასების მიზნით. დასკვნის შედეგები მოქალაქეს ეცნობება წერილობით.

- მუნიციპალიტეტის მერის, ბატონი კობა ლურსმანაშვილის ბრძანებით, მერიაში მოქმედებს სოციალურად დაუცველ და მძიმე ეკონომიური პირობების მქონე მოქალაქეთა განცხადებების შემსწავლელი კომისია. კომისიას ხელმძღვანელობს მერის პირველი მოადგილე, ბატონი ვარლამ ჭიპაშვილი, რომელიც აქტიურადაა ჩართული სამუშაო პროცესში, დაუყოვნებლივ ხდება განხილვა და რეაგირება სასწრაფო და მნიშვნელოვან საკითხებზე. ვთანამშრომლობთ მაჟორიტარი დეპუტატის ბიუროსთან, მუნიციპალიტეტის საკრებულოსთან. სამსახურის თანამშრომლები აქტიურ მუშაობას ეწევიან სხვადასხვა კომისიის და სამუშაო ჯგუფის შემადგენლობაში, კომპეტენციის ფარგლებში ვთანამშრომლობთ სხვადასხვა სახელმწიფო უწყებასთან.